

Viridis ehf.
Tröllakór 12
203 Kópavogur

Reykjavík, 27. ágúst 2021
UST202108-139/H.I.I.
07.06.02

Efnaeftirlit í kjölfar ábendingar – Fæli efnið The Bug Spray

Umhverfisstofnun fór í eftirlit í verslun Hagkaupa Skeifunni í kjölfar ábendingar, sem barst stofnuninni þann 11. ágúst sl. vegna vörunnar **The Bug Spray**. Eftirlitið leiddi í ljós að varan uppfyllir ekki skilyrði um merkingar skv. 4. gr. reglugerðar nr. 878/2014 um sæfivörur, 4. gr. reglugerðar nr. 415/2014 um flokkun, merkingu og umbúðir efna og efnablandna og 32. gr. efnalaga nr. 61/2013.

Um umfang og niðurstöður eftirlitsins, þær kröfur sem gilda um merkingar og þau frávik frá téðum kröfum, sem eftirlitið leiddi í ljós, vísast til meðfylgjandi eftirlitsskýrslu.

Umhverfisstofnun veitir Viridis ehf. frest til 10. september 2021 til að senda stofnuninni afrit af merkimiða fyrir vöruna The Bug Spray, sem uppfyllir skilyrði reglugerðar nr. 415/2014 og 32. gr. efnalaga. Nánari útlistun á kröfunum má sjá í meðfylgjandi eftirlitsskýrslu. Jafnframt gerir stofnunin þær kröfur að vörur á sölustöðum, sem og birgðir vörunnar á vörulager, verði endurmerktar með merkimiðanum eftir að hann hefur verið staðfestur af stofnuninni.

Úrbætur skulu sendar Umhverfisstofnun merktar málsnúmerinu UST202108-139. Rafræn skjöl sendist á ust@ust.is.

Umhverfisstofnun veitir Viridis ehf. hér með frest til 3. september 2021 til þess að koma sjónarmiðum sínum á framfæri, sbr. 13. gr. stjórnsýslulaga nr. 37/1993.

Vakin er athygli á því að í samræmi við 5. mgr. 49. gr. efnalaga mun Umhverfisstofnun birta á vefsetri sínu upplýsingar um niðurstöður eftirlits og til hvaða úrræða stofnunin hefur gripið jafnóðum og ákvarðanir um slíkt liggja fyrir. Bréf þetta og meðfylgjandi eftirlitsskýrsla verða birt á vefsetri stofnunarinnar. Telji fyrirtækið að efni í bréfinu eða eftirlitsskýrslunni varði hagsmuni sem njóta eigi leyndar skal fyrirtækið tilkynna um það til Umhverfisstofnunar og rökstyðja ástæður þess að efni skýrslunnar ætti að njóta leyndar fyrir 3. september nk.

Umhverfisstofnun vekur athygli á því að þó aðeins séu gerðar kröfur varðandi þessa tilteknu vöru gæti verið þörf á úrbótum varðandi fleiri vörur hjá fyrirtækinu til að þær standist kröfur efnalaga eða reglugerða settra á grundvelli þeirra.

Umhverfisstofnun vekur einnig athygli á því að samkvæmt XIII. kafla efnalaga er stofnunni heimilt að beita þvingunarúrræðum til að knýja á um framkvæmd ráðstöfunar

samkvæmt lögunum, t.a.m. með áminningu sbr. 55. gr., álagningu dagsekta sbr. 56. gr., og stöðvun markaðssetningar sbr. 57. og 58. gr.

Jafnframt er vakin athygli á því að samkvæmt gjaldskrá fyrir verkefni og þjónustu Umhverfisstofnunar nr. 535/2015 innheimtir stofnunin tímagjald vegna eftirfylgni eftirlits og beitingu þvingunarúrræða, sbr. 30. gr. gjaldskrárinnar.

Upplýsingar um markaðssetningu sæfivara má finna á vefsetri Umhverfisstofnunar. Fyrirtækinu er velkomið að leita til stofnunarinnar til að fá nánari upplýsingar um sæfivörur í síma 591 2000 eða hjá Bergdísí Björk Bæringsdóttur í gegnum netfangið bergdisbb@ust.is.

Virðingarfyllst,

Bergdís Björk Bæringsdóttir
sérfræðingur

Fífa Konráðsdóttir
sérfræðingur